

本館叢書集成初編所
選古今逸史及漢魏叢
書龍威秘書皆收有此
書龍威節本漢魏本亦
漫漶故據逸史本影印

方言序

郭璞

蓋聞方言之作出乎輶軒之使所以巡遊萬國采覽
異言車軌之所交人迹之所蹈靡不畢載以為奏籍
周秦之季其業隳廢莫有存者暨乎揚生沈淡其志
歷載構綴乃就斯文是以三五之篇著而獨鑿之功
顯故可不出戶庭而坐照四表不勞疇咨而物來能
名考九服之逸言標六代之絕語類雜詞之指韻明
乖途而同致辨章風謠而區分曲通萬殊而不雜真
洽見之奇書不刊之碩記也余少玩雅訓旁味方言